

[www.BibleForChildren.org](http://www.BibleForChildren.org)

# Matiu 8



Ana Yesu lala apimi atol pa norava nae Kalele, ana e legiena na telu, ãpaãagena na talopaena tai e kumali nene Kana. Ana anenane Yesu naga pa kate pa e ãpaãagena nene rui, a siraunia amligan visena pimin Yesu amio kiena nalogena lala, apio la ãmena ga vena  
ava ea.



Ana Yesu lala apa akate e ããagena, asuãa amio yeririna la pano-o, sur tai naga piowa, kuruta na munena na ããagena nene naga ãisi iroro ga. Ana anenane Yesu pimi pisa pa Yesu, pisape “Namunena la naãa yar keviu na ããagena kila ruruia, amun make rui, ana nanagane na aplasan narui.”



Anena mlogear sur la naña Yesu pisa, ana pis pa yar la naña na yuñmaenen ñaņagena, pisape “Sur ya la naña sa naga visa, amiu akila ga, ve avis re, ayuñmaen ga.”



Ana naga pisa pan la, pisape “Amiu ava avio wii, awar imi ataron vito e pias nen wii la nene vano-o uleule.” La apio ña wii pano-o apuleule ruru nenaga.



Ana Yesu pisape “Pogaga, nagane na  
avioli ve tekaki ga, ala van yar keviu na  
řařagena munlia.” Āisi na apio, amla  
pano-o akian pania.



Ana yerkawa munlia, mloge sane pimi pe kuruta na munena narui, ana milan pañisi, mninue ga sape añal namunena nene pe. Lala naña apio, la ga akilia ke, ana pe apisawal re poli, ñisi na naga pio yar naña talopa ga na wa pimi puna.



Yar nene naga pimi ana yerkawa pis pania, pisape “E  
ṗaṗagena taṗena lala, apio ke kuruta namunena naṗa  
po pimi ṗesa, ana pogos naṗa  
yar la amun lili ṗa pano-o,  
atol mare ga kuruta na  
munena naṗa pe po  
manene re poli naga pimi  
maro. Ana e ṗaṗagena  
nini, la amun ṗa  
pano-o, ṗisi na ko  
otol ga ṗau kuruta  
napo tai naṗa  
pimi maro.  
Komin ya  
ne okila  
sanene?”



Ana sur naþa Yesu kila e pulkumali nae Kana e yo naþa Kalele, naga sane pe pupia kile tai, naga pe kiena kile þesia naþa miyuþaenia.




Naga kila, sa naña naga sape siar na kila meraravanen  
kiena puriukawaena nae yo metava,  
ana pogos naña kiena  
nalogena la apisuia, kiela  
nalelagaena e naga pa laa  
metava, sane naga pe  
Navisaarena kemua  
lelaga.



Ana pogos naña Yesu sike garu Kapeneam wa, ana naga pa loyuña ñana Pita, naga pisu anenane wona Pita naga miava karia, ñeke e ñana tog.



Ana Yesu mligan limana te limana ne sira nene, ana miava naña ãisi, ana naga suñalu, mla kinanena pa Yesu.




Ana e ña nena e legiena nene ko yepekilavi, pogos  
naña Legiena Wa ãarovia, sane mrae pito kovio pa rui,  
yeririna lala aþure yar  
la naña amai, a la naña  
yermare la asike e la,  
apim pu Yesu, ana la  
moki manene la, sa  
naña lavisi la punu ga  
nae kumali nene apim  
asuñalu e mratava  
na yuña nene.



Ana Yesu kila ruru yeririna la moki naña amain inanena tañena lala, a ñene plan yermare la moki petan yar lala, pisawo yermare lala sape ve avisa re si sur tai, komin akilia pa rui sane naga pe Navisaarena kemua lelaga kiena ne Ntewa.



Yaru la moki manene pañisi, ana la punu ga sinelan asape atol ga Yesu, vena la aninuli ga pupia nañmareraena naña apisu sane suña ñalivi ke ea, naña suña kila ruru ke yar la moki rui.



Ana e ke e pogos nene na, yar lañasia atar yaru tai  
naña minana pimi, naña yepena wetelu ga mare. Ana la  
vari atar ga naga e ñana tog naña mono ke ea pimi.



Ana pogos naña apim atol yo  
nañane, apisu sane yo pule pa rui,  
tañatete si atar kiela erau nene va  
lavisin Yesu.



Ñisi na lala ataryaun naga apa  
metava e wos nen yuñña nañane, lala  
añepo wos nen yuñña metava mesmesun  
ga e naña Yesu sike ea, amligan  
malumun yaru naña mono ke e ñmana  
tog, pitomi tano e  
pulmas nañane,  
pito loyuñña.



Ana pogos naña Yesu kira pisu sur nene, kilia sape la nene, amlelaga m̃arera e naga pañisi sane yoko naga iila kiela inanena nene, naga pisa pania, pisape “Naruu, in na nepiewo kon kioṃa mlamulena piowa lala.” Ana Yesu pisa pa yaru na inanena nañane, pisape “Nepisa pan ko, osuṃalu, osulowar moṃa tog, oyali ova uṃa.”



Ana Yesu amio kiena nalogena lala apitomi atol lapa nene narui, ana aņiyu apa e waa tai e yo nene. Ana apa li ga metava pe piavi re poli, pupia lagi tai molue, miyui kila pupia lapa naņani kululu keviu paņisi, ana kila waa naņani siar sape talilu.



Ana Yesu ñeke e waa, naga momalio ruru ga ñeke na,  
ana la apito akilañegea, apisape  
“!Suñe, opisu ke ne!  
Lavisi tetalilu narui,  
monar otamalia ita.”



Ana Yesu pisa pan la, pisape “!Ei! ?Amarau ke ya ne sanene? Aa, amiu na pe apiawa re nena m̃arera e kiau na m̃areraena poli.” Ana naga su m̃alu, pisalu p̃ar lagi, pisape ve yui re sina, a pisalu p̃ar sive, pisape malumu. Ana pog pimi po, amalumu. Ana pogos na p̃a nalogena la apisu yo pimi pa ruru make nenaga po sanene, ana amilan pa p̃isi, apisape



“!Suwala! Yaru nene na pisa ga sanene, ana lagi amio sive lalua amlogear naga. !Yaru nene na pe yaru re nene poli yo!”

Yesu pisa  
sanene komin  
Ntewa sinen si  
yeririna na yomarava la nini keviu pañisi,  
ana tañan narina nowo nene, naña  
naga taaga ga pe kiena, pitomi mare  
wo ita, ana yar ai naña lelaga e naga  
tañatete kovio, yoko tol malena  
wo naña ve uro re  
pogos tai.



### Rom 3:23

komin yar make ga amlamla piowa, pe ta re poli naña kiena malena mesmesu va torokin naña tol malena wo naña Ntewa sinenania.

### Rom 6:23

Wulena naña mlamulena viowa kila yar waria, nane marena naña ve uro re, ana kieta Suře Yesu Kristo kila naña towar malena naña ve uro re, naña pe topul re poli, ana pe nalaena tai naña Ntewa mla korenan ga pimi pan ita.

### Le Yu Lala 9:27

E lepas naña ita yeririna lala, Ntewa kila sape temal e yomarava nini, ana yoko tokovio ea ãisi na temal sina vena teva e naliãereena,



## Episas 2:8,9

Ntewa naga tamalia amiu e ga e kiena lemamiena, vanon naña apiawa e naga. Suri nene naga pe pimi ñalivi re e kiamiu yuñmaena wo lañas poli, peraga, Ntewa naga mla korenan ga pan amiu. Ana nanene naga pe suri re tai naña yaru kilia yuñmae vanon poli, komin visae ve sanene, ñisi na towarwar itan vañisi, tevis vilavenia, tevisave “O inu, in ga netamalia in e kiau yuñmaena.”

## Rom 10:9,10

A ko ai naña olelaga e Yesu Kristo e losineña, ovisave Ntewa naga kila naga mal si petan marena, a okekaran naña ovisawal e yo metava ovisave omla Yesu pe kioña Suñe, yoko otol malena. Nanene komin naña visae yar naña lelaga e losinena visave Yesu naga mal sina petan marena, a visawal e yo metava visave Yesu naga pe kiena Suñe, yoko Ntewa ve la re si nakoena vania komin kiena mlamulena viowa lala, yoko tamalia naga.



## Yoane 3:16,17

Yesu pisa sanene komin Ntewa sinen si yeririna na yomarava la nini keviu pañisi, ana tañan narina nowo nene, naña naga taaga ga pe kiena, pitomi mare wo ita, ana yar ai naña lelaga e naga tañatete kovio, yoko tol malena wo naña ve uro re pogos tai. ?Ana vanon ya ne Ntewa mligan narina nene pitomi tanon yomarava nini? Pe mligan re pitomi vena naliñereen yeririna na yomarava nini poli, ana mligan pitomi vena tañan kiena malena vena tamalia itaena.



## 1 Yoane 5:11-13

Ana visena la naña monar tesuñal ñarera e silaga, sa nene, asape: Ntewa mla malena naña ve uro re pogos tai pan ita, ana purñes nen malena nene na pe Narina ga. Yar naña narina ne Ntewa teke e kiena malena, naga tol pa malena rui, ana naña narina ne Ntewa pe to re e kiena malena poli, naga pe tol re malena poli wa. Nesiri ke ñaki nini pan amiu naña amlelaga pa e kia kiena ne narina ne Ntewa rui, vena iila amiuena ve kiamiu sitomena ve veve lua re, vena akilia ruru sane atol pa malena naña ve uro re.



Matiu 8-9; Mak 1-2, 4; Luk 4, 8; Yoane 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Lewo NT (lww) © 2016, Wycliffe Bible Translators, Inc. All  
rights reserved.

<https://live.bible.is/bible/LWWWBT/MAT/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

